

REGLUR

um þóknun prófnefndarmanna í löggiltum iðngreinum.

1. gr.

Lögreglustjórar (bæjarfógetar og sýslumenn) greiða prófnefndarmönnum í löggiltum iðngreinum í umdæmi sínu þóknun fyrir störf þeirra. Skal formaður viðkomandi prófnefndar framvísa reikningi árituðum af öllum prófnefndarmönnum, ásamt frumriti prófbókar. Á reikningi skal koma greinilega fram: Fjöldi próftaka, stundafjöldi, sem reiknaður er, og þóknun sú, sem prófnefndarmenn reikna sér í prófinu, sbr. 4. gr. Reikningarnir skulu skrifaðir á eyðublöð, sem menntamálaráðuneytið lætur gera og sýslumenn og bæjarfógetar munu afhenda formönnum prófnefnda.

2. gr.

Þóknun prófnefnda skal fara eftir fjölda próftaka hverju sinni og reiknast stundafjöldi eftir töflu þeirri, sem hér fer á eftir, miðað við fjölda próftaka í hverju prófi um sig. Sveinspróf skulu aðeins fara fram tvisvar á ári, vor og haust, og skal telja saman alla próftaka í hvoru prófi um sig, enda telst hvort þeirra eitt próf, þó próftakar séu margir og prófið fari fram á fleiri en einum stað.

Fjöldi próftaka	Reiknaðar stundir
1	20
2	30
3	45
4	60
5	75
6	80
7	85
8	90
9	95
10	100
11	110
12	120
13	130
14	140
15	150
16	160
17	170
18	180
19	190
20	200
21	205
22	210
23	215
24	220
25	225
26	230
27	235
28	240
29	245
30	250

Fyrir hvern próftaka umfram 30 skal reikna 5 stundir.

3. gr.

Menntamálaráðuneytið ákveður tímakaup prófnefndarmanna, að fengnum tillögum Iðnfræðsluráðs.

Þóknun prófnefnda miðast við, að prófnefndarmenn undirbúi og dæmi sveinspróf en hafi eftirlitsmann til yfirsetu á prófstað, ef þörf gerist.

Í þeim tilvikum, að ekki sé um sérstakan eftirlitsmann að ræða til yfirsetu á prófstað, skulu prófnefndarmenn skiptast á um að fylgjast með framkvæmd prófsins.

Kostnaður við yfirsetu á prófstað, svo og annar prófkostnaður greiðist af meistara próftaka, sbr. reglugerð um iðnfræðslu.

4. gr.

Við skiptingu þóknunar milli prófnefndarmanna skal fylgja eftirfarandi reglu:

Formaður fær	40%
Hvor hinna prófnefndarmanna	30%

Þegar aðilar vikja úr prófnefnd, skal þóknun skipt í hlutfalli við þann nema fjölda, sem hvor aðili prófar.

5. gr.

Ríkissjóður endurgreiðir lögreglustjórum (bæjarfógetum og sýslumönnum) útlagðan kostnað vegna prófnefnda, og skal Iðnfræðsluráð í umboði ráðuneytisins úrskurða réttmæti reikninga, áður en endurgreiðsla fer fram.

6. gr.

Reglur þessar eru settar skv. 3. gr. 38. gr. reglugerðar nr. 143/1967, um iðnfræðslu, og öðlast þegar gildi. Frá sama tíma falla úr gildi reglur nr. 36/1971, um þóknun prófnefndarmanna í löggiltum iðngreinum.

Í menntamálaráðuneytinu, 9. febrúar 1973.

Magnús T. Ólafsson.

Birgir Thorlacius.

REGLUGERÐ**um leyfi í skólum.****1. gr.**

Í skólum, sem heyra undir menntamálaráðuneytið, skulu leyfi nemenda vera sem hér segir:

I. 1. desember.

II. Jólaleyfi:

1. Í barnaskólum frá og með 19. desember til og með 6. janúar.

2. Í framhalds- og sérskólum frá og með 21. desember til og með 3. janúar.

III. Öskudagur.

IV. Páskaleyfi:

1. Í barnaskólum frá og með mánudegi eftir pálmasunnudag til og með þriðja í páskum.

2. Í framhalds- og sérskólum frá og með miðvikudegi fyrir skírdag til og með þriðja í páskum.